



Tuhaqtitauyughaq

Hivuliqti, Ministat iniqtiqtaa Kitikmeonmi Aquiniq

IQALUIT, Nunavut (May 4, 2010) – Hivuliqti Eva Aariak havaqataillu iniqtiqtaa aquinirmiknik Kitikmeonmi uvani havainirmi, aquivakhutik Kugaarukmut, Taloyoakmut, Urhuqtuumut, Kugluktukmut, Iqaluktuuttiamullu. Hivuliqti, ilauyut Minista Peter Taptuna, Minista Keith Peterson unalu Minista Daniel Shewchuk, miitiqatigivagait haamlatkut, pulaaqpakhugit Nunavut Kavamatkut havakviit ilauvaghutiklu nunallaani miitirniinni.

“Kavamapta havaqutaa, *Tamapta/CLC: Hivunighaliurniq Atauttikkut*, naunaiyaqpiarhimayuq uumani havangnirnik ukunani uqaqatigiingnikkut atatahimanikkut nunallaaptikni,” uqaqtuq Hivuliqti Aariak. “Quvianaqpiatuq uqaqatigiyaamik amigaittut aquiniptikni tuhaayaamilu ikayurnirnik, uqautinik pitquiniklu nunalingmiutanit,” uqaqtuq Hivuliqti Aariak.

“Taimaa Pingahua Maligaliurvik aullaqtirnat Nunavunmiunungauvaktugut kangirhiyumaplutat qanuqtut kavamanga inninganik,” uqaqtuq Tukliq Hivuliqti Ministauyuqlu Pivalliyuliyiyikkut Ingilrayuliyiyitkunnilu Peter Taptuna. “Piyuq uumanga *Qanukkanniq*, taamna Nunavut Kavamatkut unniutiutjutaa, inuit pitquyaatigut atatjutiqaqapluta nunallaaptiknut. Uumani aquinirmi taimailuqtugut nalaagaarhimaniaqtavut uqarvigilugillu Nunavunmiut.”

“Quvianaqtuq aquivigiyaami Kitikmeonmi nunallaat naalaghuni uqaqatigiplunilu ihumaginirnik hakugigharutighanik maligaliqitjutiptiknik aallaniklu kavamatkunnit piniarhimatjutinik, uqaqtuq Minista Maligaliqinikkut Keith Peterson. “Quviahuktugut Nunavunmiut uqarhimayait ikayurutimiknik ukununga aularaanginnaqtunik turaarutinik pitquhikkut nunallaaninlu pitjutinik maligaliqinirnut.”

“Hivulliruti uppiriniq kavamaptiknut una Piliriqatigiinniq, imaaluunniit havaqatigiingniq uvunga atauttinit piyumanirmut.” uqaqtuq Minista Avatiliqiyikkut, Havaktuliyiyikkut unalu Minista Munariyalik Nunavunmi Iihariaqpaalivikmut, Daniel Shewchuk. “Havagiama nakuuyumik, atatjutiqarhimayughayugut nunallaaptinut, taimaatut kangirhimayaaptikni nunallaani ihumagiyaunirnik ittuniklu.”

Aquivaktut Kitikmeotmi uvanga April 29 – May 3. Katimavighaa Maligaliuqviup Nunavunmi aullaqtirniatuq June 1, 2010.

Aallanik Iitturipkaitjutighanik Uqaqatigilugu:

Emily Woods
Tuhagakhanik Titiraqtinga
Havakvia Hivuliqtiup
☎ (867) 975-5059
✉ ewoods@gov.nu.ca

Matthew Illaszewicz
Atannguyaq, Tuhaqtipkainikkut
Pivalliyuliyiyikkut Ingilrayuliyiyitkunnilu
☎ (867) 975-7818
✉ millaszewicz@gov.nu.ca

ᐱᑦᑕᑦᑕᑦᑕ ᑕᑦᑕᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕᑦᑕ, ᑦᑕᑦᑕᑦᑕᑦᑕᑦᑕ, ᐱᑦᑕᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕ ᐱᑦᑕᑦᑕ,
News releases are posted in Inuktitut, English, Inuinnaqtun and French at:
Tuhaqtaghat ittu Inuktitut, Qablunaatit, Inuinnaqtun Uiviititullu talvani
Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.